


Pamódi PLAN: Glover's Corner?

Objetivus di Studu: Kria un vizon, ku kumunidade, ki ta stabelese orientasons pa kria un planu abranjenti ki ta informa nóvu zoniamentu pa orienta dizenvolviméntu futuru.

Mapa di Ária di Studu ——— Limiti di Ária di Studu



PLAN: Glover's Corner

é un oportunitadi pa kumunidade y Kámara Munisipal (Sidadi) di Boston pensa stratéjikamenti sobri futuru di Glover's Corner. Djuntu, nu ta ben splora módi ki nu pode **prezerva, midjora, y krese.**

Prende más

Na internéti bit.ly/PlanGlovers


Partilha [#PlanGlovers](https://twitter.com/BostonPlans)
[@BostonPlans](https://twitter.com/BostonPlans)

Kontata-nu cecilia.nardi@boston.gov
marie.mercurio@boston.gov



Diversidadi


Kumunidades kulturalmenti y ikonómikamenti diferenti ta mora na Glover's Corner y na Dorchester.



Uzu di Terenu


Kel parti di zóna déntu di Ária di Studu sta ominadu pa uzu industrial y komersial di terenu.

Uzu rezidensial é só 25% di ária total di terenu.



Transpórti

62% di rezidentis di kel zóna li ta uza ses karu pa bai pa trabadju, enkuantu ki ménus di metadi di tudu rezidentis di Boston ta uza ses karu pa bai pa trabadju.



Sources: Land Use; Assessing FY'16. Race & Ethnicity, Journey To Work; U.S. Census Bureau, 2011-2015 American Community Survey, BPDA Research Division Analysis.

Kronolojia di Planiaméntu



Kaminhada y Paseiu Bisikléta
Primavéra di 2017

Workshops sobri Vizon y Planiaméntu
Maiu & Junhu di 2017

Workshop sobri Uzu di Terenu
Otubru di 2017



Enkontru di Kumunidade
Janeru di 2018

Workshop sobri Mobilidadi y Konetividadi
Nuvénbru di 2017



Grupu di diskuson sobri Abitason y Dadus
Marsu di 2018

Temas di Dibati Futuru

Fika aténtu a prósimus workshop sobri kes tópiiku li, sima nu ta kontinua kel dibati.


- Pesos y Ekuidadi
- Benefísius pa Kumunidade
- Karater di Zóna
- Dumínio Públiku y Spasu Abértu
- Skódjas di Abitason
- Enprégu (trabadju), Negósius, y Oportunidatis
- Mobilidadi y Konetividadi
- Ambienti y Klima

Kuzé ki Nu Obi

Duranti último anu, Ekpa di Planiaméntu di Kumunidade utiliza atividatís prátiku y konvérsas na pikénus grupu pa nkuadra dibatis ku rezidentis y ménbrus di kumunidade pa pensa sobri un vizon di zóna pa Ária di Studu di PLAN: Glover's Corner. Ekpa ta ben kontinua ta faze grupus di diskuson djuntu ku otus ivéntu di involvíméntu.

Involvíméntu Inisial


Primavéra di 2017



Ménbrus di kumunidade manda kuazi 200 purgunta y kumentáriu sobri un monti di tema inpurtanti na Ária di Studu, pa djuda informa kumésu di iniciativa di planiaméntu.

Grupus di diskuson (Workshops) sobri Vizon y Planiaméntu

Maiu & Junhu di 2017



Duranti nos Grupus di Diskuson sobri Vizon y Planiaméntu, partisipantís refliti sobri kes kondison ki dja izisti, inkluidu pontus fórti y fraku di zóna, y trabadja pa identifika prioridatís, oportunidatís, y amiasas pa futuro.




Workshop sobri Uzu di Terenu

Otubru di 2017

Utilizason di Terenu (txon) ta orienta ki tipus di atividatís y prédius ta pirmitidu déntu di zóna. Partisipantís utiliza blókus kuluridu y mapa ma refliti sobri ki utilizasons di terenu na futuro ta djudaba molda un vizon pa Ária di Studu.

Rizumu di undi ki partisipantís ta atxa ma konsentrason di utilizason di terenu pode bai pa kria un zóna di utilizason mistu (misturadu)



- Abitason
- Komersial y Industrial di séklu 21
- Komersial y Kónpras & Sirvisus
- Kultural & Síviku
- Spasu Abértu
- Prezerva




Workshop sobri Mobilidadi y Konetividadi


Nuvénbrü di 2017

Partisipantís fala di kes kondison ki dja izisti pa pesoas ki sta anda pé na txon, siklistas, pesoas ki ta viaja na transpórti públiku, y kondutoris. Ku un mapa y folhas di transparensia, dipos es dibati sobri objetivus y partilha ideias pa sirkula déntu di zóna na tipus diferenti di ruas.

Izénplus di tipus diferenti di ruas y ses papel



Rua Prinsipal di Zóna komu un séntru pa kónpras y sirvisus



Rua di Zóna pa viajis lokal

Complete Streets (2013)

Duranti atividadi di grupu, partisipantís atxa ma un nóvu redi di ruas pode djuda riduzi konjestionaméntu. Tanbe, es ta dizeja midjoris ligason stérnu. Na konvérsas, fika klaru ma kualker nóvu redi debe pirmiti tudu algen pa anda pé na txon y na bisikléta sén probléma y ten midjor asésu a transpórti públiku.



Enkontru di Kumunidade

Janeru di 2018

Partisipantís dibati sobri prusésu di planiaméntu ti gósi y es partilha maneras di plânia más midjor djuntu. Nu splora speransas, médu y purguntas di kunpanheru sobri planiaméntu y nu partilha ideias pa prósimus pasu pa involvíméntu di kumunidade.

Sitason ilustrativu di speransas, médu y purguntas sobri futuro di zóna:

- **Inprégus y Inprézas**
"Nha speransa é mante inprégus na kumunidade".
- **Abitason y Asesibilidadi di Présu**
"Nha purgunta é si nu pode kria un kaxa di feraméntas xeiu di opson di módi ki asesibilidadi di présu pode nkaxa na kualker dizenvolvíméntu futuro".
- **Transpórti y Mobilidadi**
"Nha médu é ma Glover's Corner ta bira un engarafaméntu di tránzitu, ki é prigozu pa kondutoris, siklistas y pesoas ki ta anda pé na txon".
- **Prezervason di Kumunidade y di Diversidadi**
"Nha speransa é ma nu ta mante diversidadi y enklavi (ária izoladu) di Vietnamitas".

Sitason ilustrativu di speransas, médu y purguntas sobri prusésu di planiaméntu y involvíméntu di kumunidade:

- **Prusésu di Planiaméntu**
"Nha médu é ma ta pensadu ma kel grupu ki ta fala más altu é vós di kumunidade interu. Ami é só un vós sén ninhun afiliason, purisu N ten médu ma nha vós ka ta obidu".
- **Involvíméntu y Divulgason**
"Nha speransa é ma Kámara Munisipal ta faze divulgason pa kes ki ka sta prizenti (inklui nóvus vós pa es kuza pode ser inkluzivu)".
- **Fin di Prusésu y Implimentason**
"Nha speransa é ma ménbrus di kumunidade ta ben ten puder di toma disizon na prusésu di planiaméntu".